

ODLUKA

**O PRIHVATANJU ZADUŽENJA PO UGOVORU O ZAJMU IZMEĐU
BOSNE I HERCEGOVINE I EVROPSKE BANKE ZA OBNOVU I RAZVOJ
(EBRD) ZA REALIZACIJU PROJEKTA VODOVOD I KANALIZACIJA
SARAJEVO**

Sarajevo, oktobar 2013. godine

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Predstavnički dom Parlamenta Federacije Bosne i Hercegovine na _____ sjednici održanoj _____ godine i Dom naroda Parlamenta Federacije Bosne i Hercegovine na _____ sjednici održanoj _____ godine d o n o s i

ODLUKU

O PRIHVATANJU ZADUŽENJA PO UGOVORU O ZAJMU IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ (EBRD) ZA REALIZACIJU PROJEKTA VODOVOD I KANALIZACIJA SARAJEVO

I

Prihvata se zaduženje Federacije Bosne i Hercegovine (u daljem tekstu: Federacija) po Ugovoru o zajmu između Bosne i Hercegovine (u daljem tekstu: BiH) i Evropske banke za obnovu i razvoj (u daljem tekstu: EBRD) za realizaciju Projekta vodovod i kanalizacija Sarajevo u iznosu do 30.000.000,00 EUR-a.

II

Sredstva zajma iz tačke I ove Odluke koristit će se za finansiranje Projekta vodovoda i kanalizacije u Sarajevu. Osnovni cilj Projekta je da rekonstrukcija i obnova prioritetnih komponenti vodovodne i kanalizacijske mreže, odnosno vodovodnih i kanalizacijskih cjevovoda, ugradnja mjerne i kontrolne opreme, snabdijevanje električnom energijom, pumpna postrojenja i hlorinacija.

III

Sredstva zajma iz tačke I ove Odluke, odobravaju se Federaciji pod sljedećim uslovima:

- iznos zajma.....30.000.000,00 EUR-a
- rok otplate.....15 godina
- grace period.....3 godine (uključen u rok otplate)
- kamatna stopa.....šestomjesečni EURIBOR + 1% marža na godišnjem nivou
- dospijeća.....polugodišnje u jednakim otplatama glavnice
- datum plaćanja glavnice i kamata.....30. mart i 30. septembar svake godine
- jednokratna provizija.....1% na iznos kredita, jednokratno

IV

Potvrđuje se da je razmatrana dokumentacija prihvatljiva za Federaciju, a posebno:

- Zapisnik sa pregovora,
- Nacrt Ugovora o zajmu između BiH i EBRD,
- Nacrt Projektnog ugovora između EBRD i Kantonalnog javnog komunalnog preduzeća „Vodovod i kanalizacija“ d.o.o. Sarajevo (u daljem tekstu: KJKP „Vodovod i kanalizacija“),
- Nacrt Ugovora o podršci Projekta između EBRD i Federacije i Kantona Sarajevo,
- Nacrt Supsidijarnog ugovora o zajmu između BiH i Federacije.

V

Sredstva zajma iz tačke I ove Odluke Federacija prenosi na kreditnoj osnovi na Kanton Sarajevo.

U periodu implementacije Projekta, u budžetu Federacije nije potrebno osigurati finansijska sredstva za dodatno sufinansiranje Projekta.

Projekt će implementirati Jedinica za implementaciju projekta, formirana pri KJKP „Vodovod i kanalizacija“.

VI

Zadužuje se Federalno ministarstvo finansija-Federalno ministarstvo financija da sa Kantonom Sarajevo usaglasi i sklopi odgovarajući Podugovor o zajmu kojim će, u svrhu redovne otplate, definirati uslove vraćanja sredstava koja se prenose na kreditnoj osnovi.

VII

Daje se saglasnost za zaključivanje Supsidijarnog sporazuma o zajmu između Bosne i Hercegovine i Federacije i Podugovora o zajmu između Federacije i Kantona Sarajevo iz tačke I ove Odluke.

Za potpisivanje Supsidijarnog sporazuma i odgovarajućeg Podugovora o zajmu ovlašćuje se federalni ministar finansija - federalni ministar financija.

VIII

Za realizaciju ove Odluke i izvještavanje zadužuje se Federalno ministarstvo finansija - Federalno ministarstvo financija, Ministarstvo finansija Kantona Sarajevo i KJKP „Vodovod i kanalizacija“, svako u okviru svoje nadležnosti.

IX

Implementacija Ugovora iz tačke I ove Odluke, ne zahtijeva donošenje novih ili izmjenu postojećih zakona.

X

Ova Odluka stupa na snagu narednog dana od dana objavljivanja u “Službenim novinama Federacije BiH”.

OBRASLOŽENJE

Pravni osnov

Pravni osnov za donošenje ove Odluke sadržan je u članu 40. stav 4. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br: 86/07, 24/09 i 44/10), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav 5. predviđeno je da Vlada Federacije Bosne i Hercegovine nakon prihvatanja nacrtu kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje. Ovakva izmjena zakona imala je za cilj pojednostavljenje procedure u donošenju odluka, tako da će Parlament Federacije BiH na ovaj način usvajati odluku, a ne potvrđivati ranije donesenu odluku Vlade Federacije BiH.

Razlozi za donošenje

Osnovni razlog za donošenja ove Odluke je zaduženje Federacije Bosne i Hercegovine po osnovu zajma kod Evropske banke za obnovu i razvoj za Projekt vodovod i kanalizacija Sarajevo.

Donošenjem ove Odluke stvara se osnov za potpisivanje Supsidijarnog ugovora između Bosne i Hercegovine i Federacije Bosne i Hercegovine, kojim će se propisati uslovi za davanje zajma Federaciji, a koji će biti identični uslovima pod kojima Evropska banka za obnovu i razvoj odobrava zajam Bosni i Hercegovini za Projekt. Federacija Bosne i Hercegovine će pod istim uslovima sredstva zajma proslijediti dalje Kantonu Sarajevo, a Kanton Sarajevo KJKP „Vodovod i kanalizacija“ d.o.o. Sarajevo.

Projektom će se izvršiti rekonstrukcija i obnova prioritetnih komponenti vodovodne i kanalizacijske mreže, odnosno vodovodnih i kanalizacijskih cjevovoda, ugradnja mjerne i kontrolne opreme, snabdijevanje električnom energijom, pumpna postrojenja i hlorinacija.

Osnovni razlog donošenja ove Odluke je nezadovoljavajuće stanje u sektoru vodoopskrbe, s obzirom da je postojeća vodovodna mreža u izuzetno lošem stanju.

Obrazloženje pojedinih tačaka

Tačka I je nužna kako bi se prihvatilo zaduženje Federacije BiH kod EBRD-a.

Tačkom II potvrđuje se namjena utroška sredstava zajma.

Tačkom III precizirani su uslovi zajma.

Tačkom IV potvrđuje se da je dokumentacija parafirana tokom pregovora sa EBRD-om prihvatljiva za Federaciju BiH, što je uslov da Bosna i Hercegovina i EBRD pristupe potpisivanju Ugovora o zajmu.

Tačkom V se definiše način implementacije Projekta, te da nije potrebno osigurati dodatna sredstva u Budžetu Federacije za ovu namjenu.

Tačkom VI se definiše obaveza Federalnog ministarstva finansija-Federalnog ministarstva financija da sa Kantom Sarajevo usaglasa i sklopi odgovarajući Podugovor o zajmu.

Tačkom VII daje se saglasnost za zaključivanje Supsidijarnog sporazuma o zajmu sa Bosnom i Hercegovinom i Podugovora o zajmu sa Kantom Sarajevo i ovlaštenje federalnom ministru finansija - federalnom ministru financija da u ime Federacije potpiše iste.

Tačkom VIII u okvirima nadležnosti definira se obaveza za realizaciju Odluke i izvještavanje.

Tačkom IX se potvrđuje da za implementaciju Sporazuma o zajmu nije potrebno donijeti nove ili izmijeniti postojeće zakone.

Tačka X propisuje stupanje na snagu ove Odluke.